

**BOSNA I HERCEGOVINA
FEDERACIJA BOSNE I HERCEGOVINE
ZENIČKO - DOBOJSKI KANTON
OPĆINA KAKANJ
Općinsko vijeće**

Broj: 01/1-5-145/21
Kakanj, 31.03.2021. godine

**PREDSJEDAVAJUĆI
OPĆINSKOG VIJEĆA**

PREDMET: Vijećnička inicijativa

Na 5. sjednici Općinskog vijeća održanoj 31.03.2021. godine, vijećnik Dževdet Huskić (NS) je pokrenuo slijedeću

VIJEĆNIČKU INICIJATIVU

„Za donošenje odluke o zvaničnoj podršci tužbi protiv: Zorana Tegeltije – predsjedavajućeg Vijeća ministara BiH, Ankice Gudeljević – ministrica Civilnih poslova BiH, Fadila Novalića – premijer Federacije BiH i Vjekoslava Mandića – ministar Zdravstva Federacije BiH zbog izostanka nabave vakcina protiv korona virusa.

Sarajevski ljekar Bakir Nakaš predao je 22. marta krivičnu prijavu Tužilaštvu BiH protiv Zorana Tegeltije, predsjedavajućeg Vijeća ministara BiH, Ankice Gudeljević, ministrici Civilnih poslova BiH, Fadila Novalića premijera Federacije BiH i Vjekoslava Mandića ministra Zdravstva Federacije BiH zbog izostanka nabave vakcina protiv korona virusa. Krivičnu prijavu, pored doktora Nakaša potpisuje još 24 građanina i građanke. U međuvremenu, online peticiju je potpisalo i podršku ovoj tužbi dalo više hiljada građana sa prostora cijele BiH.

Tužitelji terete tužene da su povrijedili elementarno pravo na život i zdravlje građana BiH. Radi se o zloupotrebi službenog položaja, odnosno nepoduzimanju onih poslova koji su u njihovoj nadležnosti, što je rezultiralo i što nažalost rezultira svakog dana, kao što svjedočimo katastrofalnim posljedicama po zdravlje građana BiH.

Ovom krivičnom prijavom se želi pokazati da zvaničnici države preuzimaju određenu odgovornost iza koje može stajati čak i krivična odgovornost. U ovom slučaju desilo se da izostanak aktivnosti zvaničnika na koje su obavezni po Ustavu, zakonu i drugim aktima, što dovodi do tragičnih posljedica, a to je gubitak ljudskih života.

Stopa smrtnosti od COVID-19 stavila je BiH na prvo mjesto u regiji sa 130 umrlih na 100.000 stanovnika, prema podacima koje je u januaru 2021. godine objavio američki univerzitet John Hopkins. U danu kada je predata krivična prijava protiv bosanskohercegovačkih zvaničnika od posljedica zaraze korona virusom u BiH je umrlo 73 ljudi.

Zbog svega navedenog, kao i na osnovu zahtjeva odgovornih sugrađana, smatram da je vrhunski moralni čin javno, odlukom u ime građana i građanki općine Kakanj, podržati tužbu doktora Nakaša i grupe građana u ime svih stanovnika naše općine.

I na kraju, svjedoci smo masovnog odlaska državljana BiH proteklog vikenda u Republiku Srbiju radi besplatne vakcinacije, vakcinacije sudija i tužitelja Ustavnog suda BiH i njihovih porodica u Srbiji, članova Privredne komore i privrednika.

Budimo hrabri i stanimo uz naše sugrađane, a ne uz one koji krše zakone i Ustav naše zemlje.

Molimo da Vaš stav i mišljenje na pokrenutu vijećničku inicijativu dostavite Stručnoj službi za poslove Općinskog vijeća kako bi se isto moglo prezentovati na sljedećoj sjednici Vijeća ili eventualno da od pokretača inicijative zatražite dodatno pojašnjenje kako bi na istu mogli dati odgovor.

S poštovanjem,

Dostavljeno:

- naslovu
- a/a

**PREDSJEDAVAJUĆI
OPĆINSKOG VIJEĆA**
Slaven Katičić